

Venres, 16 de febreiro de 2018

Núm. 34

ADMINISTRACIÓN LOCAL**MUNICIPAL****SILLEDA****Ordenanzas e Regulamentos***APROBACIÓN DEFINITIVA DA ORDENANZA REGULADORA DAS AXUDAS DE EMERXENCIA SOCIAL DO CONCELLO DE SILLEDA*

Ao non presentarse reclamacións durante o prazo de exposición ao público (BOP n.º 150 do 07.08.17), queda automaticamente elevado a definitivo o Acordo plenario inicial aprobatorio da Ordenanza reguladora das axudas de emerxencia social do Concello de Silleda, cuxo texto íntegro faise público, para o seu xeral coñecemento e en cumprimento do disposto no artigo 70.2 da Lei 7/1985, de 2 de abril, Reguladora das Bases do Réxime Local.

“ORDENANZA REGULADORA DAS AXUDAS DE EMERXENCIA SOCIAL DO CONCELLO DE SILLEDA*FUNDAMENTACIÓN*

A comisión europea fixo da loita contra a pobreza un elemento clave da súa axenda económica, laboral e social: a Estratexia Europea 2020. Na súa Comunicación ao Parlamento Europeo, ao Consello, ao Comité Económico e Social Europeo e ao Comité das Rexions, expon que a crise afectou sobre todo ás persoas máis vulnerables da nosa sociedade. A situación de quen gaña menos séguese deteriorando e agora, esas persoas afrontan un maior risco de endeudamento e insolvencia. O marco de actuación proposto pola Comisión ten o obxectivo de garantir a cohesión social e territorial, de forma que os beneficios do emprego e do crecemento, sexan amplamente compartidos en toda a unión Europea e as persoas que sofren a pobreza e a exclusión social poidan vivir dignamente e tomar parte activa na sociedade.

As axudas económicas que se van a xestionar pola Concellería de Benestar Social do Concello de Silleda, teñen o seu fundamento legal nas normas que a continuación se enumeran:

A Constitución Española, establece nos artigos 39, 41, 139.1 y 149.1, que “los poderes públicos... deben asegurar la protección social, económica y jurídica de la familia, así como la protección de las personas en situación de necesidad, desamparo, circunstancias graves o urgente necesidad por carencias económicas y socio-familiares”.

A lei 7/1985 de 2 de abril, reguladora de Bases de Régimen Local, modificada pola lei 27/2013 de 27 de decembro de racionalización y sostenibilidad de la Administración Local no seu artigo 25, distingue as competencias propias das delegadas (artigo 27), prevendo a posibilidade de que as Entidades Locais poidan exercer competencias distintas das propias e das atribuídas por delegación cando se cumpran os requisitos materiais e procedimentais recollidas no artigo 7.4.

Pode verificar a integridade deste documento no seguinte enderezo:
<https://sede.depo.es/verificacion-csv>
Código seguro de verificación: ZN1EQD242KYQZT1A



Venres, 16 de febreiro de 2018

Núm. 34

A lei 13/2008 de 3 de decembro, ten por obxecto a ordenación e promoción do sistema público de servizos sociais na Comunidade Autónoma de Galicia. Según o previsto nos artigos 18.1 e 21 desta lei no desenvolvemento do programa básico de inserción social, os servizos sociais comunitarios básicos participan no procedemento de asignación das prestacións económicas de inclusión social.

A lei 10/2013 de 27 de novembro, de inclusión social de Galicia define os Servizos Sociais como servizo público destinado a garantir a igualdade de oportunidades no acceso á calidade de vida e a participación social de toda a poboación mediante intervencións que permitan, entre outros obxetivos, “facilitar recursos e itinerarios de integración social a quen se atopa en situación ou risco de exclusión social”.

Conforme ao artigo 84 desta lei, corresponde aos concellos implantar e desenvolver os servizos Sociais comunitarios necesarios, en cooperación coa Xunta de Galicia, podendo implicarse, asimismo, os Organismos institucionais, provinciais correspondentes.

Deste xeito, os servizos sociais constitúense como medio instrumental organizado da acción social que emana do exercicio pleno da competencia da asistencia social.

Tendo en conta toda a fundamentación espоста, é preciso regular as prestacións sociais de carácter económico para situacións de especial necesidade individual, familiar e/ou da unidade de convivencia, otorgadas pola Concellería de Benestar Social do Concello de Silleda.

Este tipo de axudas económicas deberán concederse seguindo os criterios xerais establecidos nesta Ordenanza, e mediante unha valoración profesional que teña en conta os distintos aspectos que se desenvolven neste regulamento.

En todo caso, ditas axudas estarán vinculadas a un programa de inclusión social, que promova a participación positiva das persoas en situación ou risco de exclusión social, beneficiarias destas axudas.

CAPITULO I: DISPOSICIÓN XERAIS

ARTIGO 1.—CONCEPTO

Considéranse axudas de emerxencia social, para os efectos da presente ordenanza, aquelas prestacións económicas de pago único, de carácter extraordinario e finalista, destinadas a resolver as situacións de emerxencia que afecten ás persoas ou familias as que sobreveñan situacións de necesidade o vérense privados dos medios de vida primarios e imprescindibles. A súa finalidade será dispensar unha atención básica e urxente no momento en que estas situacións de necesidade se produzan Apoiar aquelas persoas, familias, ou unidade de convivencia que carecen de recursos económicos para satisfacer as súas necesidades básicas, ou calquera outra situación que poida supoñer un factor de marxinalidade ou risco de exclusión social.



Venres, 16 de febreiro de 2018

Núm. 34

A necesidade de dar resposta económica, pode esixir o pago urxente da axuda, xa que de non realizarse inmediatamente pode resultar ineficaz a concesión. A apreciación ou non da urgencia terá que contar na proposta e na resolución do expediente.

Dado o réximen normativo e as atencións as que responden as axudas económicas obxecto da ordenanza, serán sempre temporais e puntuais para paliar necesidades extraordinarias e urxentes das persoas afectadas por situacións de emerxencia e terán que estar necesariamente incardinadas a un proceso de intervención social, que inclúa unha análise completa da situación individual, familiar ou de convivencia.

As axudas de emerxencia social en casos excepcionais e xustificadas poderán ser complementarias doutras concedidas por outros organismos ou sistemas de protección social: públicos ou privados.

ARTIGO 2.—OBXETO

O obxecto da presente ordenanza e a regulación das axudas de emerxencia social de carácter económico xestionadas pola concellería de Benestar Social do Concello de Silleda, os requisitos necesarios para acceder ás mesmas e o seu procedemento.

ARTIGO 3.—PERSOAS BENEFICIARIAS

Está dirixida a persoas individuais, unidades familiares e/ou unidades de convivencia que carezan de medios económicos e nas que concurran factores de risco, sendo sempre un apoio á intervención social.

Poderán solicitar axudas económicas as persoas físicas por si mesmas ou en nome da súa unidade familiar que, reunindo os requisitos establecidos atravesen unha situación de necesidade social.

Enténdese por unidade familiar a formada por máis dunha persoa cuxos membros, ademais de convivir no mesmo domicilio, estén unidos por relación conxugal ou análoga, adoptiva, tutela ou de consanguinidade ata o cuarto grao ou de afinidade ata o segundo grao.

Enténdese por unidade de convivencia o conxunto de persoas que habitan no mesmo domicilio non estando unidas por lazos de parentesco si non por amizade ou afinidade.

Na unidade familiar ou na unidade de convivencia un dos seus membros terá a condición de persoa beneficiaria da axuda, aínda que se lle otorge en beneficio da unidade familiar ou de convivencia, e coincidirá co membro que faga a solicitude, salvo que o traballador/a social motive no seu informe que sexa outro membro.

As axudas recollidas nesta ordenanza son otorgadas ata o límite económico que permitan ás consignacións económicas aprobadas en cada exercicio presupostario..

As persoas solicitantes que poidan ser perceptoras dos programas de axudas de emerxencia social doutras administracións, serán derivadas, según criterio do técnico/a correspondente.



Venres, 16 de febreiro de 2018

Núm. 34

ARTIGO 4.—REQUISITOS

4.1.—Ser maior de idade ou menor emancipado/a, debidamente acreditado.

4.2.—Estar empradoado/a e ter residencia efectiva no Concello de Silleda, cunha antelación mínima de 6 meses no momento da solicitude. E con respecto as unidades de convivencia, a maiores, deben ser estables e continuadas, e decir, deben existir e acreditar unha convivencia mínima de 6 meses.

4.3.—Non dispor de ingresos suficientes para afrontar os gastos derivados da situación de emerxencia social, segundo o establecido nesta ordenanza.

ARTIGO 5.—BAREMO ECONÓMICO PARA ACCEDER ÁS AXUDAS*I) Baremo Económico*

Poderán ser beneficiarios/as todos/as aqueles solicitantes que non superen os ingresos económicos reflejados na seguinte táboa:

BÁSICO 75% IPREM	399,38 €
COMPLEMENTO FAMILIAR / CONVIVENCIA	
1º membro 14 % IPREM	74,55 €
2º membro 12% IPREM	63,90 €
3º e sucesivo 10% IPREM	53,25 €

Membros unidade familiar/convivencia	Contías complemento familiar/convivencia	Contías totais S.B.+C.F./C.C.
Solicitante		399,38 €
Solicitante + 1 persona	74,55 €	473,93 €
Solicitante + 2 personas	138,45 €	537,83 €
Solicitante + 3 personas	191,70 €	591,08 €
Solicitante + 4 personas	244,95 €	644,33 €*
Solicitante + 5 personas	298,20 €	697,58 €*
Solicitante + 6 personas	351,45 €	718,88 €*
Solicitante + 7 personas	404,70 €	
Solicitante + 8 personas	457,95 €	
Solicitante + 9 personas	511,20 €	
(* A contía máxima do subsidio básico + complemento familiar é de 639,01 € ou de 718,88 € se hai menores)		

II) Excepción no baremo económico

Excepcionalmente os Servizos Sociais do Concello de Silleda, poderán valorar ás solicitudes que cumprindo con todos os demais requisitos previstos nesta ordenanza excedan o baremo económico nunha porcentaxe non superior o 10% do establecido neste artigo, como consecuencia

Pode verificar a integridade deste documento no seguinte enderezo:
<https://sede.depo.es/verificacion-csv>
Código seguro de verificación: ZN1E0D242KYQZT1A



Venres, 16 de febreiro de 2018

Núm. 34

dos gastos acreditados de vivenda habitual e/ou situación familiar de extrema urxencia, tendo en conta o previsto no artigo 48 punto 3 da ley 10/2013 de 27 de novembro de Inclusión Social de Galicia.

A valoración destes casos como excepcionais, efectuarase seguindo os criterios que a continuación se detallan. Nestes casos, para ser beneficiarios da axuda deberán como mínimo obter unha puntuación total de 10 puntos.

1.—Situación Socio-familiar: factores Limitadores adicionais que afectan algúns dos membros da unidade familiar

a) Familia Destructurada: 1 punto.

b) Existencia dalgún membro con discapacidade (física, psíquica ou sensorial) debidamente acreditada: 1 punto.

c) Existencia dalgún membro da unidade familiar con problemas de adición (alcohol, drogas e/ou outras adicións): 1 punto.

d) Existencia dalgún membro da unidade familiar con enfermidade grave: 1 punto.

e) Ausencia do fogar de ámbolos dous membros parenterais: 2 puntos

2.— Situación/Tipoloxía da Vivenda:

a) Vivenda en propiedade pagándose: 2 punto

b) Vivenda en aluguer: 3 puntos

c) Vivenda en precario, declarada como tal, previa visita dos/as Traballadores/as Sociais e informe correspondente: 2 puntos

3.— Situación de Risco e/ou Exclusión Social:

a) Situacións de desatención dos fillos menores por parte dos proxenitores ou representantes legais: 2 puntos.

b) Problemas conductuais dos menores que integran a unidade familiar: 2 puntos.

c) Situacións carenciais que afecten aos adultos integrantes da unidade familiar: 2 puntos.

d) Problemas de conducta desadaptada que afecten aos progenitores ou outros adultos integrantes da unidade familiar: 2 puntos.

e) Situacións de violencia de xénero: 2 puntos.

f) Familias que algúns dos membros da unidade familiar está en situación de desemprego: 2 puntos.



Venres, 16 de febreiro de 2018

Núm. 34

4.— Familias en proceso de intervención social:

a) familias incluídas no programa de educación familiar: 3 puntos.

b) familias beneficiarias da Risga: 3 puntos.

As solicitudes valoradas con estes criterios serán atendidas nas mesmas condicións que as axudas de emerxencia social, recollidas no capítulo II desta ordenanza.

ARTIGO 6.—OBRIGAS DAS PERSOAS BENEFICIARIAS

Os/as beneficiarios/as das axudas ou no seu caso os seus representates legais estarán obrigados a:

- Destinar o importe das prestacións económicas ás finalidades para as que foron outorgadas.
- Permitir e facilitar o labor ás persoas designadas para verificar a situación económica e familiar, sen menoscabo dos dereitos constitucionalmente recoñecidos.
- Ao cumprimento das condicións que poidan establecerse ou acordarse na concesión das prestacións ao titular para que, polos seus propios medios, poida superar a situación de necesidade da unidade familiar.
- Non exercer a mendicidade, nin inducir a súa práctica ao membros da unidade familiar.
- Escolarizar os/as menores ao seu cargo, que se atopen en idade escolar obrigatoría (de 6 a 16 anos).
- Reintegrar as prestacións indebidamente percibidas ou que coincidan no tempo con outra prestación concedida para a mesma finalidade.
- Os beneficiarios teñen a obriga de comunicar calquera variación da súa situación socioeconómica, cambio de domicilio, etc.

Ditas obrigas serán comunicadas ao posíbel beneficiario/a no momento de comunicarlle a resolución.

CAPÍTULO II: TIPOLOXIA DAS AXUDAS

ARTIGO 7.—AXUDAS PARA ATENCION DOS GASTOS DERIVADOS DA VIVIENDA HABITUAL

Consiste nunha axuda económica destinada ao aboamento dos gastos da vivenda habitual que garantice a continuidade na mesma. Inclúense:

7.1.—Gastos de aluguer: Consiste nunca axuda económica destinada ao aboamento dos recibos de aluguer da vivenda habitual que impidan os procedementos de desafiuzamento por impago, “así como que existan garantías de continuidade na vivenda”.



Venres, 16 de febreiro de 2018

Núm. 34

- Recibos de aluguer: ata un máximo de 3 recibos por beneficiario podéndose incluír como un recibo a fianza.

7.2.—Créditos hipotecarios: Consiste nunha axuda para o pago de recibos de créditos hipotecarios, da vivenda habitual nos seguintes termos: máximo 3 meses de hipoteca, sempre que exista garantía, debidamente acreditada por parte da entidade bancaria, de que o pago deses recibos solucionan a reclamación por demora e dan continuidade na vivenda habitual do beneficiario da axuda de emerxencia.

7.3.—Débedas de suministros: Consiste nunha axuda económica destinada ao aboamento de suministros da vivenda habitual e as contías das axudas poderán ser por beneficiario:

- Recibos de luz: ata un máximo de 300€/ano (un número máximo de 2 recibos/ano).
- Recibos de gas: ata un máximo de 200€/ano (un número máximo de 2 recibos/ano).
- Recibos de auga: ata un máximo de 120€/ano (un número máximo de 2 recibos/ano).
- Recibo de enganche de luz por corte (impago): unha sóa vez por un período de 2 anos consecutivos.
- Recibo de conexión de gas por corte (impago): unha sóa vez por un período de 2 anos consecutivos.

7.4.—Equipamento básico da vivenda habitual e reparacións menores de urxente necesidade e limpeza en casos extremos: Consiste nunha axuda económica destinada:

- Merca de equipamento de primeira necesidade ou mobiliario básico cando o beneficiario careza destes bens ou se atopen moi deteriorados.
- Instalacións ou reparacións menores do fogar, previo informe e valoración do/a traballador/a social.
- Limpeza e desinfección necesarias para manter a vivenda en axeitadas condicións hixiénicasanitaria e sempre que resulte de importancia vital para o usuario, ou para a súa unidade de convivencia, tras a valoración do traballador/a social a través do informe correspondente.

Os conceptos deberán ir perfectamente detallados e desagregados, en ningún caso se incluírán gastos de comunidade, limpeza de escaleiras ou outras relativas a bens comúns.

ARTIGO 8.—GASTOS DE ATENCIÓN SANITARIA E OUTROS TRATAMENTOS

Consiste nunha prestación económica para axudar a sufragar aqueles gastos nos que o solicitante necesita incurrir por prescripción facultativa, e que se correspondan con:

- Tratamentos derivados de enfermidades graves en familias en risco de exclusión social, diagnosticadas e prescritas pola Seguridade Social, e que non están cubertos na súa totalidade, é dicir, que deban asumir un copago dos mesmos ou que non teñan cobertura.



Venres, 16 de febreiro de 2018

Núm. 34

- Próteses e artigos de ortopedia, prescritas pola Seguridade Social, naqueles casos en que xa realizaran a solicitude correspondente no organismo competente, e con resolución firme.

ARTIGO 9.—AXUDAS ESCOLARES

En función do tipo de necesidade expresada polo solicitante e da valoración da situación efectuada polo equipo técnico de Servizos Sociais, cubriranse as axudas complementarias ou gastos ocasionados en relación coa educación que non estea cubertos pola administración autonómica ou estatal.

ARTIGO 10.—GASTOS POLIVALENTES

Destinado a calquera tipo de axuda que non poida ser atendida por ningún dos conceptos contemplados nos artigos anteriores ou por calquera outro tipo de prestación ou axuda. So se concederá esta prestación naqueles supostos nos que a persoa solicitante, cumprindo cos requisitos establecidos nesta ordenanza, non poida asumir o custo da axuda solicitada, ao atoparse nunca situación de percariedade económica.

Establecese para este tipo de axudas unha contía máxima de 500€/ano por beneficiario.

CAPITULO III: PROCEDEMENTO, INICIACION, INSTRUCCIÓN E RESOLUCION**ARTIGO 11.—ORIENTACIÓN E INFORMACIÓN**

Os Servizos Sociais informarán, valorarán e orientarán das prestacións sociais de carácter económico xestionadas pola Concellería de Benestar Social do Concello de Silleda, e dos requisitos necesarios para acceder as mesmas e o seu procedemento.

As solicitudes xunto coa documentación esixida presentarse no Rexistro municipal do Concello de Silleda. As solicitudes que se presenten dirixiranse ao Alcalde/sa do Concello de Silleda, para o seu traslado ao departamento de Servizos Sociais.

O prazo de petición manterase permanentemente aberto, suxeito, en todo caso, a existencia de consignación orzamentaria para facer fronte ao custo das axudas en cada uns dos exercicios orzamentarios.

ARTIGO 12.—DOCUMENTACIÓN

Xunto coa solicitude (Anexo I), achegarase a seguinte documentación de toda a unidade familiar:

- fotocopia do DNI/NIE ou pasaporte, en vigor.
- fotocopia do libro de familia/ certificación de nacemento ou documentos acreditativos de acollemento ou tutela.



Venres, 16 de febreiro de 2018

Núm. 34

- Xustificación do estado civil. No caso de separación ou divorcio, deberán presentar documentación acreditativa desta situación e acreditar as pensións alimenticias ou compensatorias no seu caso. No seu defecto deberá presentar documento que acredite a súa tramitación.
- Certificado de estar inscrito no Padrón municipal de habitantes, conforme a residencia e convivencia.
- fotocopia da Declaración do IRPf do ano corrente ou do anterior dependendo da data da solicitude. No caso de non estar obrigado a presentala, certificación negativa da Axencia Estatal de Administración Tributaria relativa aos membros da unidade familiar maiores de 16 anos. Esta obriga poderase substituír pola autorización ao Concello para consultar esta información vía telemática a administración de facenda.
- Xustificante dos ingresos económicos de todos os membros da unidade familiar maiores de 16 anos, a través de: Desempeñando actividade laboral, pensionistas, ou perceptores de prestación ou subsidio:
 - Seis últimas nóminas
 - Certificado da Pensión/Prestación ou Subsidio, emitido polo organismo correspondente.
 - Declaración Xurada e responsable de ingresos en caso de carecer de contrato ou nóminas. Situación de desemprego sen dereito a prestación, pensión ou subsidio:
 - Xustificante de inscrición como demandante no servizo estatal de emprego.
 - Certificado negativo de non percibir prestación, pensión ou subsidio emitido polo organismo correspondente.
 - Declaración xurada e responsábel de non exercer actividade laboral e non percibir ingresos.
- Xustificante de gastos de vivenda:
 - fotocopia do contrato de aluguer da vivenda e último recibo de pago, de ser o caso.
 - fotocopia do recibo do último pago da hipoteca, de ser o caso
- Certificado de Discapacidade emitido polo órgano correspondente, se fose o caso.
- Documentos, orixinais, acreditativos da situación de necesidade determinante da solicitude, así como, o xustificante do seu custo. Presuposto detallado.
- Nas axudas que impliquen a adecuación da vivenda, documento que acredite a propiedade..
- Extracto das contas bancarias do solicitante, e de ser o caso, demais membros da unidade familiar ou de convivencia do último ano.
- Calquera outra documentación que o departamento de Servizos Sociais estime oportuno para a resolución do expediente familiar.

ARTIGO 13.—TRAMITACIÓN

As solicitudes de axudas de emerxencia presentaranse de acordo co seguinte:

Pode verificar a integridade deste documento no seguinte enderezo:
<https://sede.depo.es/verificacion-csv>
Código seguro de verificación:ZNI1EQD242KYQZJ1A



Venres, 16 de febreiro de 2018

Núm. 34

1.—A solicitude en modelo oficial dirixido ó/a Alcalde/sa, acompañada da documentación complementaria pertinente en cada caso, presentárase persoalmente ante o rexistro xeral municipal.

2.—O prazo para a presentación de solicitudes permanecerá aberto, con carácter permanente. A concesión das axudas estará suxeita en todo caso á existencia da correspondente consignación orzamentaria.

3.—A solicitude unha vez rexistrada polo departamento municipal correspondente, daráselle traslado ao departamento de Servizos Sociais para a súa valoración.

4. En calquera fase do procedemento, o solicitante, pode desistir a seguir co trámite de solicitude iniciado ou renunciar a recibir as axudas concedidas.

5. A ocultación ou falsidade dos datos que figuren na solicitude ou nos documentos aportados, poderá ser considerado causa suficiente para denegar a axuda solicitada.

ARTIGO 14.—EMENDAS DA SOLICITUDE

Se os Servizos Sociais, unha vez recibida no seu departamento, a solicitude xunto a documentación, observan a falta dalgunha documentación esencial ou outra que se considerase pertinente para a valoración do expediente, poderá requirir o solicitante que a presente nun prazo de 10 días hábiles desde que se lle notifique, con indicación de que si así non o fixera darase por desistida a súa petición.

ARTIGO 15.—INSTRUCCIÓN

1. A instrución do procedemento realizarase polos Servizos Sociais do Concello de Silleda.

2. Á solicitude e documentación presentada segundo esta ordenanza, unirase o estudo da situación socio-familiar, realizado por parte do Traballador/a Social do centro de Servizos Sociais para a valoración da petición formulada.

3. O Traballador/a Social dos Servizos Sociais Comunitarios de Silleda, emitirá o correspondente informe social coa proposta, no que se valorará debidamente a situación que o interesado/a acreditou documentalmente e cuantificará o importe da axuda.

4. Unha vez que estea completo o expediente, o departamento de Servizos Sociais, remitirao xunto coa valoración e proposta, nun prazo máximo de 15 días naturais dende a súa recepción no rexistro, a Xunta de Goberno Local para a súa resolución.

ARTIGO 16.—RESOLUCIÓN E NOTIFICACIÓN

1. As resolucións relativas as axudas económicas municipais, adoptaranse por acordo da Xunta de Goberno Municipal, no prazo máximo de 20 días naturais, contados dende a presentación da solicitude.



Venres, 16 de febreiro de 2018

Núm. 34

2. Unha vez tomado o adoptado o acordo pola Xunta de Goberno Local, darase conta da resolución ó departamento de intervención para que efectúe os pagos da axuda concedida o solicitante ou ó provedor, segundo o caso.

ARTIGO 17.—FORMA DE PAGO E XUSTIFICACIÓN DO GASTO

Adoptada a resolución polo órgano competente e polo que se concede a axuda económica, esta abonarase con carácter xeral, mediante transferencia bancaria do Concello a conta do beneficiario (pago directo) ou a persoa ou entidade que este autorice (pago delegado) e o informe social así o apoie.

ARTIGO 18.—CAUSAS DE DENEGACIÓN

Poderán ser denegadas aquelas situación nas que concorran algunhas das seguintes circunstancias:

1. Que non cumpran os requisitos esixidos na presente ordenanza.
2. Que a axuda solicitada non sexa adecuada para a resolución da necesidade presentada.
3. As axudas que sexan competencia de outros organismos públicos. Poderán contemplarse situacións excepcionais debidamente xustificadas.
4. Ocultación ou falsidade dos datos suministrados para obter, manter ou aumentar a contía da prestación económica.
5. Non haber xustificando a realización do gasto ao fin que o motivou unha prestación económica no ano anterior o da solicitude.

ARTIGO 19.—REVOGACIÓN DAS AXUDAS

As causas de revogacións das axudas municipais de emerxencia social serán as seguintes:

- 1.—Renuncia expresa
- 2.—Falsidade e ocultamento de calquera dos datos declarados pola persoa solicitante.
- 3.—Desaparición das circunstancias que deron orixe da súa concesión.
- 4.—Falecemento da persoa solicitante–titular da axuda, cando esta non sexa membro dunha unidade familiar nin dunha unidade de convivencia.
- 5.—Non cumprimento das obrigas das persoas beneficiarias establecidas da presenta ordenanza.



Venres, 16 de febreiro de 2018

Núm. 34

CLAUSULA ADICIONAL

En casos excepcionais, sempre que, previo informe dos Servizos Sociais, se considere que o afectado/a, aínda que non reúna os requisitos concretos recollidos nesta ordenanza, necesite a axuda, ésta poderáselle conceder.

Disposición final

De conformidade co que dispón o artigo 70.2 da Lei 7/85, Reguladora das Bases do Réxime Local, esta ordenanza entrará en vigor unha vez que o Concello publique o seu texto íntegro no Boletín Oficial da Provincia e logo de que transcorra o prazo de quince días hábiles ó que se refire o artigo 65.2 desa Lei.).

ANEXO I

DATOS DO/A SOLICITANTE

Apelidos.....
Nome..... D.N.I./N.I.E
Estado civil.....Data de nacemento.....Teléfono
Enderezo.....

SOLICITA,

Axuda de emerxencia social .

Silleda a de de 20

SR. ALCALDE-PRESIDENTE DO CONCELLO DE SILLEDA

Silleda, a 08 de febreiro de 2018

O ALCALDE-PERSIDENTE

Asdo. Manuel Cuiña Fernández

